

LODI

(quartiere San Bernardo)

El Vén(t) de Tramuntana e l Sul

Un dì, el Vén(t) de Tramuntana e l Sul i èrun adrè a tacà lit, perchè tüti dü i g èvun la pretésa da vés vün püsè fòr(t) del àlter, quand a un bèl mumént i an dugiàd un viagiadù ch'el vignèva in sù tüit infagutàd nel sò mantèl. I dü tacabrighe alura i s èn misi sübit d acòrdi per cunsiderà püsè fòrt quél che füdés riesìd a fag cavà föra el mantèl al viagiadù.

El Vén(t) de Tramuntana l à cuminciàd a bufà cun tüta la fòrsa che l g èva, ma püsè el bufèva e püsè el viagiadù el se intabarèva nel mantèl, tant che ala fin al pòr Vén(t) g è tucàd mucala lì. El Sul alura el s è fài véd in cél, e dòpu miga tant el viagiadù, che l sentiva cald, el s è cavàd via l mantèl. E ala Tramuntana, scamufa, g è tucàd ricunùs che l Sul l èra püsè fòr(t) de lé.

T è piasüid la sturièla? Vurém cüntàla amò una vòlta?